

Niruarnirmut Pilirijusiit Inuit Tapiriikkut Kanatami (ITK) (Atuliqtitaminig Atuuva 29, 2020-mit)

Ilanga 1: Niruaqtulirijiit

- 1.1 Pillarigiaqaqqut atausirmit niruaqtulirijimmarikmit tikkuqaqsilutit angiqatigiittuminiulutit isumassiurutaulluni katimajinut pillarigiaqaqqut tilijauluni timiujumut aulattiarluni niruaqtulirinirmut ullunit 60-nit niruarnaulaunnginninganit.
- 1.2 niruaqtulirijimmarik atuqattainiaqquq tukimuagutininik ammalu kamajiuluni allavilirinirmut niruaqtuqaqtillugu, ajjigiititininikkut ilainnaanngilluni ammalu Inuit Tapiriikkut Kanatami maligaralaanginit.
- 1.3 niruaqtulirijimmarik, pigumaguni tikkuqaqsigunnaqquq tungiliriniaqtanganik ammalu niruaqtulirijimit.
- 1.4 niruaqtulirijimmariuq, qanutuinaq pijjutiqarluni, pilirijunnailuqqappat, niruaqtulirijimmariup tungilia pillariigiaqaqquq. Niruaqtulirijimmarik ammalu niruaqtulirijimmariup tungilia pilirijunnailuqqappatik, niruaqtuliriji pillarigiaqaqquq.
- 1.5 niruaqtulirijilimaat pillarigiaqaqqut piliriarjaminit ilainnaanngillutit ammalu ukpirijaujunnarluni.

- 1.6 niruaqtulirijimmarik pijumaguni aturuunniitittijunnaqquq tikkuqaqtausimajjutimik niruaqtulirijimmariup tungilianit uvvalunniit niruaqtuliriji qanuinniruni:
- (a) ajurniruni piliriassarijanginnit uvvaluunniit piliriassanginnit pilirinningikkunit, uvvalunniit maligialimminik piliriqujausimaguni niruaqtulirijimmarimmut; uvvalunniit
 - (b) tikkuqaqtaulauqtillugu, ilagijauvappuq qanuinninganit ilagijaujumik ikajuqtuilluni niruarassaujumit.

Ilanga 2: Niruarnaulaaqtuq Ullunga

- 2.1 niruarnaulaaqtuq ullunga niruarassaqarniatillugit angijuqqaaksamik pillarigialik kingulliqpaaq arragutamaaqtuqsiutinik katimaniqaqtillugit angijuqqaq ininganut.

Ilanga 3: Niruarassaliangusimajut ammalu qujanaarnikuit niruarassait

- 3.1 niruarassaliangusimajuq angijuqqaq ininganut 18-nik ukiuqarialik niruarassalianguluni, inuk pijunnarniqtaaqtausimagialik ilagijauluni (Inuvialuit Aviktuqsimajuni Katujjiqatigiit, Nunavut Tunngavik Timingat, Makivik Katujjiqatigiit, Nunatsiavut Gavamangat), ammalu pitittijuqarluni qaujitittijutimik ilagijaunirmut ilaunirmut auktajumik asianillunniit ikajuqtuijunik titiraqsimajunik.
- 3.2 niruarassanut atuqtauvalliajarialiit angijuqqaq iniksanganut pillarigialiit ukuninga malillutit:
- (a) kinatuinnaq inuk pijumaguni niruarassaliangujunnaqtuq angijuqqaq ininganut tunisiluni titiraqsimajunik niruarassauninganit 20-nit ulluni katimaniqalauqtinnagit ilagijaujunut angijuqqaq innugiaqarninganut. Aqqijumaniq

pijariaqallarittuq ilaliutisimalugu atiliuqsimajunik avatinik inunnik sapujjigajaqtunik arnauguni angutaugunilunniit niruarassauninganit. Una tunijaujarialik pijariaqallarittuq aullaqtitauluni niruaqtulirijimmarimmut; Uvvalunniit

- (b) ilagijaujuq pijumaguni, titiqqakkut, atausirmit inummik niruarassaliarilugu ininganut angijuqqaaq innugiaqarninganut. Una tunijaujarialik pijariaqallarittuq aullaqtitauluni niruaqtulirijimmarimmut.

3.3 niruarassaliurut paippaat pijariaqallarittuq ilaliutilugit ukua malillugit:

- (a) saqqiqtaujuq atinga, ullunga inuuvimininga ammalu angirrangata turaarutinga ammalu inuk pijunnautingata naasautinga niruarassanut.
- (b) niruarassaunirmut uvani 3.2-mit (a) inuujarialik ammalu ukiuqatuaruni 18-nik.
- (c) niruarassaunirmut paipaanik pijariaqallarittuq atiliuqsimaluni inuk niruaqtaunasuaqtuq angijuqqaaq ininganut.
- (d) niruarassaunirmut pijariaqallarittuq kinaninganit nalunaikutanga ammalu pirajaksimanngikaluar mangaaq qaujisaruti nuna killiliuqsimajut ammalu nunattiarmi nunaqaqqaaqsimajuarialik tallimat arraagut.

3.4 Inuk pijunnaqtitaunngilaq niruarassaunirmut angijuqqaaq allavvinganit tainna inuk pasijassaguni, kanatalimaamit, pirajanniq pimmariumngisakkut uvvalunniit pimmariumnginiqsamut pasijausimajuq ammalu iqqaqtutaunnginga pijariirniruni ullu niruarnauniaqtillugu tallima ukiut tungaaniungittuq.

- 3.5 niruarassaunirmut pijariaqallarittuq ammalu ilaliutillugu nalunaikkutilik sikki uvvaluunniit titiqqaniarvikkut sikkiliangusimajuq akiliutaujunnarluni Inuit Tapiriikkut Kanatami, auttajuuq akilissaniutik uvvaluunniit qarasaujakkut tujuiniq kiinaujanik \$500.00-nik.
- 3.6 kiinaujakkuvimmuuqsijariaqaquq pillarigialik utiqtitauluni niruaqtaujumut uvvaluunniit asingit niruaqtaujut niruaqtauttatuarniruni atausirmut niruarniuq isuanit.
- 3.7 pijunnarninganut niruarassauninga angijuqqaq ininganut, niruaqtulirijimmarik pijariaqallarittuq angiqtausimajut paikpaat matulaunnginninganit niruarassaliurniq, ulluit avatiit tungaaniunngittuq ilagijaujut katimalauqtinnagit.
- 3.8 tatatiriiqsimajut niruarassaunirmut paikpaat, kinauninganit nalunaikkutanga, pirajattailimajjutimik qaujisaut nuna killiliuqsimajut ammalu nunattiarmi nunaqaqqaqsimajarialik tallimat arragujunit, ammalu kiinaujakkuvimmuuqsiniq pijariaqallarittuq niruaqtulirijimmarik matulaunnginninganit niruarassaliurniq. Kinguvarutit niruarassaliurutiit paikpaat pijaugajanngittut.
- 3.9 niruarassaq imaignunnaquq qujanaaqsiq qangatuinnakkut niruarnaulauqtinnagu titiqqakkut aaqqijumanirmut niruaqtulirijimmarimmut. Kiinaujakkuvimmuuqsiniq niruarassaujuq qujanaarniruni isumagijaujuq pijunnautiminik suraigajaqtuq niruaqtaugasuutinganut.

Ilanga 4: Ilajauttautigijuq

- 4.1 atausituanguliqtillugu niruarassaq qujanaaqsimajuqaliqtillugu uvvaluunniit atausiq niruarassautillugu niruarnautillugu, niruaqtulirijimmarik pillarigiaquq aaqqiijumaniq inuk niruaqtauttautigigajaquq nalunaiqsilutit niruaqnauliqqat.

Ilanga 5: Niruarvik

- 5.1 niruavittaqallarigiaqaquq atausirmik katimavijuarviuvattumit ammalu pijittirarvimmit.

Ilanga 6:

- 6.1 Iksivautarijaujuq maannamut sanianigiaqallarippuq niruaqtuliritillugit kisiani niruarassauniqqat. Uvvaluuniit tamakkiik angijuqqaaq tungilia sanianigiaqarajaquq. Tamakkiik angijuqqaaq ammalu angijuqqaaq tungilia niruarassaunnirutik, ilagijaujuq kiggaqtuqtunga upassimajarialik pijumaguni nallianit kinatuinaq upassimajuq iksivautarijaukainnarluni ammalu sanianiilluni niruarnautillugu.
- 6.2 niruaqtulirijimmarik taisillarigiaqaquq atinginnit kikkut niruarassaummangaata.
- 6.3 niruaqtulirijimmarik taisillarigiaqaquq niruarassanit angijuqqaaq ininganut aa-mit pigiarniqarlutit atirusingitigut.
- 6.5 niruarassaujulimaat pijumgutit taisijunnaqtut qaujisaqtiuniaqtumit. Qaujisaqtilimaat upassimallarigiaqaqqut naasaitillugit niruaqtaujunit
- 6.6 niruaqtulirijimmarik niruarassanit uqarvissaqaqtittigialik 10-minismit piviqagtittiluni kiggaqtuqtiujunit ammalu 10-minismit apiqqutinik ammalu kiujjutinik. Niruarassaujut upassimajariaqanngillaripput asingit niruarassaujut nillianiqaqtillugit.
- 6.7 kisiani ilagijaujut kiggartuqtinga tikkuqaqsiguni asiagut, iksivautarijaq imaignunnaquq piviqagtittikannirluni apiqqutaujunit ammalu kiujjutaujunit pijariaqallarikkuni.
- 6.8 niruarutissait atinginnit niruarassaujut tuniuqqaqtaullarigiaqaqqut niruarunnaqtunut.

- 6.9 Niruarniq pigiaqtitaullarigiaqaqquq kangunaqtuuluni niruarutissait puunganut puurlugu. Niruarutiit nuataullarigiaqaqqut ammalu naasaqtausimalutit malillugu ilanga 8.
- 6.10 niruaqtulirijimmarik niruarassanit tusaqtittijariaqallarippuq niruaniup qanuilinganinginit, ilaliutilugit: Qattiuningit niruarunnaqtut; Qattiuningit piungittut niruarutiit; Qattiuningit sulijut niruaqtut; Ammalu, qattiuningit niruaqtaujut niruarassaujulimaanut.
- 6.11 Kinatiunnaq tilisijuq kiggatuqtiksamik uvvalunniit pijumaguni tupiqsurunnaqquq naasaiqujiluni qattiuninginnit niruaqtaujunik.
- 6.12 Niruarassaujuq kinatuinnaq 50-pusat ungataaniittunik (amisunut) niruaqtaujut aaqqittaullarigiaqaqqut saalassaqtuq.
- 6.13 Niruarassaujuq niruaqtauninngikuni 50-pusat ungataaniittunik, niruaniq pigiarunnaqsivuuq malillugit ilanga 7.
- 6.14 Piqujivungaarutitaqallarigiaqaqquq suraiqujillutit niruarutissanik.
- 6.15 Niruarutissait suraijaqtaullarigiaqaqqut pijunnaqtitaujumut.
- 6.16 Niruaqtaurataaqtuq nilliriaqallarippuq arraagutamaaqsiutinit katimaniq.

Ilanga 7: Niruarnirmut Amisuuningit Ammalu Taimailluarningit

- 7.1 Angijuqqaaq niruaqtaullarigiaqaqquq amisuuningigut sulijuq niruaqtauningit angijuqqaaq tungilianut ammalu ilagijaujut kiggaqtulauqtut tilisiningigut arraagutamaaqsiutinik katimaniqaqtillugit.

- 7.2 Niruarassaujut angijuqqaq ininganut marruunnirutik ungataanulluunniit, ammalu niruarassaujut 50-pusat ungataanuurningikkutit niruaqtaujut, niruarassaujut niruaqtautiarningikkutit piiqtaullarigiaqaquq niruarassaliangusimajut atiqarvimmit, kisiani taimailluaqatiqarniruni niruaqtaunikittunut, malillugu ilanga 7.3, taimailluaqatiqarniruni niruarassanit piiqtaullarigialik niruarassaujut atiqarvinganit. Kingunittiangagut niruaqtaujut niruaqtitaukkanirlutit amiakkuujut niruarassait, ammalu niruarassaq niruaqtauguni 50-pusat ungataanut niruaqtaujut niruaqtaullarippuq.
- 7.3 Niruarassaujuq niruaqtauninngikkuni 50-pusat ungataanut kingullirmit niruarutaujut kingunittiangagut niruaqtut, taimali piiqsivallialigtutik niruarassait (pijariaqaqqat) ammalu kingullirmit niruarniq titiraqsimajut qulaanit, kajusillarigialik atausiq niruarassaujuq 50-pusat ungataanut kisiani niruaqtaujuqaqqat. Niruaqtausimajut piiqtaullarigialiit kisiani taimailluaqatiqarniruni qattiinnauniqsanut niruaqtaunniruni.
- 7.4 Imaittuqarniruni niruarnirmut (1) niruarassaq niruaqtauninngikkuni 50-pusat ungataanut, (2) marruuk ungataanillunniit niruarassait taimailluaqatiqarniruni qattiinnauniqpaanit niruaqtunik, ammalu (3) atausituanguliqtuni (1) niruarassaq ilaliutilugit taimailluaqatigiiqqaujut, kingullirmik niruallarigiaqalirajaqqut niruarassaujulimaanut niruarutissamit nalliagutuinnaq ukua sivulliunnirutit:
- (a) Atausiq niruarassaunniruni 50-pusat ungataanut niruaqtunit; Uvvalunniit
 - (b) Niruarassait marruunnirutik ungataanullunniit amiakkuullutik taimailluaqatigiiqqaujuunnik asuillaak niruarassaq qattinnauniqpaanik niruaqtaq piiqtaugajaqtuq. Kingunittiangagut niruarniq kajusituinnarajaquq ukua ilanganit 7.2 amiakuit niruarassaujut.

Ilanga 8: Naasaiqatauniq

- 8.1 niruaqtulirijimmarik naasaillarigiaqaqquq niruaqtaujunit tavvaniiluni ammalu takussauttiarluni tungilinga niruaqtulirijiup, niruaqtuliriji ammalu qaujisaqtinginnit.

Ilanga 9: Tukungit Pikuttussimajut Niruarutissat

- 9.1 Ukua niruarutissait pikuttuqsimallattaarniraqtuagajaqtut:
- (a) Niruarutissait tunijausimanngikkutit ukunangat niruaqtulirijimmarik, tungilia niruaqtulirijimmarik, uvvalunniit niruaqtuliriji;
 - (b) Niruarutissait tunijaujut atausiunngittumut niruarassamut;
 - (c) Niruarutissait titiqtausimanngittuq “X” uvvalunniit asiagut takussaungittumit titiraqsimajuq titiqsivimmit isuaniittuq taliqpianit atinga niruarassaujuq;
 - (d) Niruarutissait titiraqsimajut uvvalunniit titiraqsimajut kinauninganit nalunaiqtaujunnaqtuq niruaqtuq

Ilanga 10: Quttiniqsamut Unnilungniq

- 10.1 Naammangittunik qanutuinnaq tusaqtittiniq siqumittiniruni niruarnirmut pilirijjusinik ammalu asinginnit attuaniliit Inuit Tapiriikkut Kanatami atuagangitigut titiraqsimallarigialiit ammalu tunijaulutit niruaqtulirijimmarimmit Inuit Tapiriikkut Kanatami katimajinginnut isumassaqsirutauniarnat.
- 10.2 Inuit Tapiriikkut Kanatami isumaksaqsiaqallaripput, pijjutiaqtumik naammangittunik tusaqtittinirmik tallimat ulluit iqqanaijarnautillugu tusaqtitaminiutillugit

naammangittunik tusaqtittinirmik, siqumittinniruniluunniit aktuaniliit pilirijusunut ammalu atagait.

- 10.3 Siqumittijuqanniqqat, katimajiit pijumagutit ilaliujjijunnaqqut, isumaksaqsiurutaujumiq sugiaqtauniq ilaliutisimalugit niruarassaujunillunniit.
- 10.4 Unnilluttuqariaqangillarippuq niruarniup qanuilinganinginnit tusaqtittiniq niruaqtulirijimmarimmut.

Ilanga 11: Kangiinaqtuqarniqqat Allavvimmit

- 11.1 Niruaqtaurataaqtuq allavvingannit niruaqtulirijimmariup tusaqtittilauqtillugu niruarutauullattaaqtunik qanuilinganinginnit niruaniup.
- 11.2 Niruaqtarataaqtuq angiqtitauttautigijariaqaqquq niruaqtaurataaqtillugu.

